

# Fetola Lipelo tsa Bona



## SABATHA MANTSIBOEA

**Bakeng Sa Thuto ea Beke ena Bala:** *Deut. 5:22–29; Deut. 4:25–31; Deut. 30:1–10; Matt. 3:1–8; Mar 1:15; Liketso 2:37, 38.*

**Temana ea Khopolo:** “Teng, le tla batla Jehova Molimo oa hao, ’me o tla mo fumana, ha u ka ’matla ka pelo ea hau eohle le ka moea oa hao oohle” (*Deuteronomo 4:29*).

**N**ete e bonolo e re ama bohle bophelong: re baetsalibe. ’ Hangata re utloa “litsebi” li khalema ka matla taba ea Bakreste ea hore motho o tsoalletsoe sebeng, empa seo motho a lokelang ho se etsa ke ho sheba litaba tsa letsatsi kapa ho nka lipalo-palo tsa nalane ea motho, bo ’nete ba taba ena bo phakisa ho ba pepeneneng.

Kapa, se bileng se le bonolo seo motho a ka se etsang, ke ho sheba ka seiponeng; u ka se ee hole. Motho ea ka bang le sebete sa ho sheba ka hare ho pelo ea motho (eleng sebaka se tšosang ho se sheba) o tseba bonnete ba Baroma 3:9–23, e qetellang ka mantsoe ana: “bohle ba sitiloe ’me ha b’a tšoaneloa ke khanya ea Molimo” (*Baro. 3:23*).

Ehlile, litaba tse monate li fumanoa temaneng e hlahlamang, ka ho “Ba mpa ba beoa ba beoa ba lokileng ke mohau oa oona feela, ka topollo e leng ho Jesu Kreste” (*Baro. 3:24*). Se bohlokoa-hlokoa litabeng tsena tse monate ke pako: ho ananela sebe sa rona, ho se soabela, ho kopa Molimo ho re tšoarela sona, ea ho qetela, ho se furalla. Kaha re baetsalibe, pako e lokela ho ba khubu ea Bokreste ba rona. Hape, bekeng ena, re tla bona taba ena ea pako joalokaha e bonahala ho Deuteronomo.

*\*Ithute Thuto ea Beke ena Ho Lokisetsa Sabatha, la 27 Pulungoane.*

## Mi-Yitten

Seheberu sa Bibe, joaloka lipuo tse ling, se tletse maelana, moo mantsoe a itseng a sebelisoang ho bolela se fapaneng le seo a se bolelang. Maelana a mang a sebelisoang Testamenteng ea Khale ke “Mi-yitten.” “Mi” ke potso “ke mang?” le “yitten” ho bolelang “ea tla fana.”, “Mi-yitten” ke “Ke mang ea tla fana?”

Testamenteng ea Khale, leha hole joalo, poleloana e bontša moelelo oa taba-tabelo, kapa takatso, ea motho ea batlang ntho e le ka tieo.

Mohlala, kamora hore ba tsoe Egepeta, bana ba Iseraele, ha ba tobane le liqholotso lehoatataeng, ba ile ba lla, “Hojane ra ichoella ka letsoho la Jehova Egepeta!” (*Exod. 16:3*). Poleloana “hojane” e tsoa ho “mi-yitten.”

Pesalemeng ea 14:7 Davida o re, “Hola poloko e ka tlela Iseraele e etsoa Sione!” Seheberu ha se re “hola” se re, “mi-yitten.”

Ho Jobo 6:8, ha a hooa, hen he exclaims, “Oho, hola kopo ea ka e be e ka etsahala”—“Oho” hape, le eona e tsoa ho “mi-yitten.”

**Bala** Deuteronoma 5:22–29, o itšetlehile haho-holo temaneng ea 29. Ho bolelang hore e be lentsoe le tolakiloeng e le “oho” le tsoa ho “mi-yitten”?

Molimo ke enoa, 'Mopi—eena ea entseng sebaka, nako, metara, Eena ea buileng maholimo le mafatše tsa e ba teng, Eena ea hemetseng Adama phefumoloho ea ho phela—O buoa mantsoe a amahangoang le bofokoli le mefokolo ea batho. Ke mohlala oa boikhethelo o mo kaakang! Mona rea bona hore ho na le ntho tseo Molimo a ke keng a li etsa hara toantšano e kholo. Tšebeliso ena ea “mi-yitten” e bontša hore le Molimo a ka se hatakele bolokolohi ba boikhethelo; A qala a etsa joalo, e emisa ho ba bolokolohi ba khetho.

'Me joalokaha rona re le batho re na le bolokolohi ba ho etsa sebe, re boetse re na le bolokolohi ba ho khetha Jehova, ho khetha ho latela tataiso ea hae, ho khetha, ka ho mamela moea oa hae, ho furalla libe tsa rona re mo latele. Qetellong, khetho ke ea rona, 'me ke ea rona feela, 'me ke khetho eo re tlamehang ho e etsa letsatsi ka leng, motsotso le motsotso.

**Tse ling tsa khetho tseo o tlang ho tobana le tsona lihoreng tse 'maloa kapa matsatsing a 'maloa a tlang ke life? Ke joang u ka ithutang ho nehela thato ea hao ho Molimo, elehore, ka matla a hae, u ka etsa khetho tse nepahetseng?**

## Mpatle u Mphumane

Hohle ka Bibeleng, re fumana mehlala ea tsebo ea Molimo ea lintho pele li etsahala. Ke hore, o tseba lintho tsohle pele li etsahala. Ebang ke ho phahama le ho oa hoa mebuso ea lefatše (*Daniele 7*) ho ea liketsong tsa motho ka bo mong, lihoranyana pele li etsahala—“Ruri ke re ho uena, kajeno, u tla be u ntatotse makhetlo a mararo pele mokoko o lla’ ” (*Matt. 26:34,*)—Morena o tseba o tseba pheletso e sale qalong. Tsebo ea hae ea pele ntho li etsahala, le ea bolokolohi ba khetho, ha e kena kenane le bolokolohi ba khetho ka tsela efe kapa efe.

Ka hona, Morena o tsebile, le pele a kenya bana ba Iseraele lefatšeng hore na ba tla ets’ang ha base bale moo.

### **Bala** Deuteronoma 4:25–28. Jehova o ile a re ba tla etsang kamora hore ba be lefatšeng la Pallo?

---

Litemaneng tse tlang pele, Morena o ba bolella ka ho hlaka hore ba se etse litšoantšo, ba se li khumamele (*Deut. 4:15–20*). Empa, litemana tse latelang li hlakisa hantle hore ho etsa le ho khumamela litšoantšo ke ntho’eo ba tla e etsa, ho sa natsoe litemoso tsohle.

Hlokomela hore ho Deuteronoma 4:25, Moshe o hlakile hore e ka se etsahale kapele. Kamora tsohle tseo ba neng ba li bone, khonahalo ea ho oela khumamelong ea melingoana hang hang e n’e fokola. Empa, kamora nako, kamora moloko kapa e ’meli, tloaelo ea “ho lebala” (*Deut. 4:9*) seo Morena a ba etselitseng sona, le seo a ba khalemeletseng sona, li tla ba etsa hore ba etse seo a ba khalemetseng sona hantle.

### **Bala** Deuteronoma 4:29–31. Jehova o re o tla ba etsatsang maamong aa ka kotlolloho?

---

Mohau oa Molimo o oa makatsa. Le kamora hore ba oele bobeng bo tšosang ba borapeli ba litšoantšo, le kamora hore ba fumane moputso o ba lokelang bakeng sa libe tsa bona, ebang ba khutlela ho Jehova, o tla ba ts’oarella, a ba khutlisetse. Ka bokhutšoane, ebang ba ikhethela ho baka o tla amohela pako ea bona.

Lentsoe leo hangata le tolokoang e le “furalla” ho Deuteronoma 4:30, le bolela “ho khutlela.” Ke hore, ba khutlela ho Jehova, moo ba neng ba tlameha hore e be ba teng nako ena eohle. Lentsoe la Seheberu, *teshuvah*, o tsoa kutung e tšoanang ea “ho khutlela,” le bolela “ho baka.”

Ka hona, seo eleng taba, hore na pako e bolela’ng, ke ho khutlela ho Molimo kamora hore libe tsa rona li re arohanye le eena.

## Teshuvah

Hohle bukeng ea Deuteronoma, ho hlhella 'moko-tabā: mamela Molimo 'me o hlohonolofale, se mo mamele, u tla sulafalloa ke litholoana tsa teng. Ho fapaneng haholo le Testamenteng e Ncha. “Le seke la thetsoa, Molimo ha o songoe; hobane seo motho a se jalang o tla se kotula le hona, ea jalla nama ea hae, o tla kotula namemng ho bola, empa ea jalla Moea, o tla kotula Moeeng bophelo bo sa feleng” (*Bagal. 6:7, 8*).

Ka bomali-mabe, bonyane kamora ho oa hohle, sebe se bonahala se le bonolo, e le ntho'a tlhaho joaloka ho hema. 'Me ho sa natsoe litemoso le litšepiso tsohle—“Hobane taelo eo ke o laelang eona kajeno, ha se e phahameng haholo hore e ka u sita, 'me ha e hole le uena” (*Deut. 30:11*)—bongata ba batho bo ile ba etsa seo hantle hona hoo: ba ileng ba oela libeng tseo Molimo a neng a ba khalemeletse tsona.

Empa, holima hole joalo, Molimo O ne a ikemeselitse ho boela a ba amohela, ebang, ba ka sebelisa matla a bona a boikhehelo, ba khetha ho khutlela ho eena.

**Bala** Deuteronoma 30:1–10 hape. Molimo o re o tla etsa batho ba hae eng, ho sa natsoe liphoso tsohle tseo ba li entseng? Leha ho le joalo, ke pehelo efe eo litšepiso tse li neng li lutse holima eona?

Taba ena e bonolo, e hlakile: haeba u li haila, u tla oeloa ke litlamorao tse mpe-mpe, uena le lelapa la hau. Sena ke seo sebe se se etsang. Leha ho le joalo, u ka baka, oa sokoloha, Jehova o tla u amohela hape, a u hlohonolofatse.

Kutu e tšoanang ea lentsoe lona leo la Seheberu *teshuvah* le hlaha litemaneng tsena. Ho Deuteronoma 30:2, temana e re “Ha o sokolohela ho Jehova Molimo oa hao”; ho Deuteronoma 30:8, leha hangata le tolokoa joana, 'me ka nepo, “u tla boela u utloe lentsoe la Jehova.” Ea ho qetela, ke ho Deuteronoma 30:10, eona e re “'me oa sokolohela ho Jehova, Molimo oa hao, ka pelo eohle ea hao le ka moea oohle oa hao,” hape-hape, lentsoe “sokolohela” ke “khutlela.”

Ka mantsoe a mang, ho sa natsoe sohle se ba etsahlletseng, ho sa natsoe ho tlola le ho roba selekane, Jehova o ne a e-so qete ka batho bana, 'me ebang ba ne ba sa batle a qete ka bona, ba ne ba ka bontša takatso eo ka ho sokoloha.

**Leha mona ho sebetsanoa le sechaba ka mōka, ke joang litemana tsena, ntle le maemo a fapaneng ao re leng ho oona kajeno, li ntseng li bontša 'nete ea kamoo pako ea 'nete eleng khubu ka teng ho rona balumeli, bao hangata, ba robang selekane seo ba se entseng le Molimo?**

## Ka Pelo Eohle ea Hao

Deuteronoma 30:1–10 e bontša mohau oa Molimo ho bakoenehi le baetsalibe, leha baetsalibe le bakoenehi bao ba ne ba hlohonolofalitsoe ke Molimo ka tsela tse ikhethang: “Hobane ke sefe sechaba se seholo seo Molimo a leng haufi le sona, joalokaha Jehova, Molimo oa rona, a le haufi le rona kamehla ha re mo bitsa? (hona le motho ea pakang seo?).

Empa, holima ho le joalo—ho etsahala’ng?

**Ho Deuteronoma 30:1–10, tsepamisa maikutlo ho seo pako ea bona, ho khutlela hoa bona (*tshuvah*) ho Molimo ho se fupereng. Ke sefe se neng se hlokeha, ’me seo se lokela ho re rutang malebana le seo pako ea ’nete e leng sona?**

Qetellong, ba ne ba tlameha ho etsa khetho ea ho khutlela ho eena, le ho mo mamela, *ka lipelo tsohle tsa bona*. Ka ’ngengoe, taba-taba e n’e le lipelo tsa bona, hobane e bang lipelo tsa bona li lokile pela Molimo, liketso tsa bona li tla latela: ke hore, ba tla mamela.

Ke ka hona ba ileng ba fuoa tšepiso e babatsehlang ea hore e bang “ba khutlela” ho Jehova, ka pako eohle, o tla sebetsa ka ho bona, e be “o bolotsa” lipelo tsa bona. Ba tlameha ho etsa khetho, hara ho holehuoa hoa bona, ea ho khutlela ho Molimo, ’me o ne a tla ba hlohonolofatsa. ’Me karolo ea tlhohonolofatso ke hore o tla sebetsa ka hare ho bona ho fetola lipelo tsa bona, hore li sokolohele ho eena, hore bona le bana ba bona ba tle ba rate “Jehova Molimo oa hao ka pelo ea hao eohle le ka moea oa hao ’ohle, hore u phele.”

Qetellong, ho arabela liqeko tsa Molimo (*sheba Liketso 5:31*), ba ne ba tlameha ho bakela libe tsa bona e le ka ’nete. Hape, leha e se e le maemo a fapaneng a nalane, Ellen G. White o ngotse: “Batho ba ile ba lla hobane libe tsa bona li ne li ba tliselitse mahlomola, eseng hobane ba ne ba sa hlonepha Molimo ka ho tlola molao oa hae o halalelang. Pakao ea ’nete e”—Ellen G. White, *Patriarchs and Prophets*, Leq. 557. ’Me ena ke ’nete eo re e bonang ho Deuteronoma 30:1–10.

**Ke joang re ka tsebang phapang pakeng tsa ho soabela litholoana tsa libe tsa rona, eleng se ka etsuoang ke mang le mang, le ho soabela libe ka botsona? Ke hobaneng ha phapang ee e le bohlokoa?**

## Baka 'Me u Sokolohe

Ehlile, Testamente e Ncha, e tletse taba ea pako. Haele hantle, Johanne Mokolobetsi o qalile bosebeletsi ba hae ka ho etsa boipiletso ba pako.

**Bala** Mattheu 3:1–8. Ke joang taba ea ho “khutlela” e hlangang litemaneng tsee? Ka mantsoe a mang, ke sefe seo Johanne a ba bolellang ho se etsa se bontšang se fumanoang ka bukeng ea Deuteronomo? Hobaneng, hape, mantsoe a hae a ka bang le bohlokoa ho Bafarisi le Basaduse?

---



---

Jesu le eena, o ile a qala bosebeletsi ba hae ka ho etsa boipiletso ba pako.

**Bala** Mar 1:15. Jesu o reng, 'me hobaneng a amahanya pako le evangeli?

---



---

Hore na ke Johanne ka kotloloho ea buoang le baetapele ba kereke kapa ke Jesu ea buoang le sechaba sohle, sepheo sea tšoana. Re baetsalibe, leha Krete e tlile ho pholosa baetsalibe, re tlameha ho sokoloha libeng tsa rona. 'Me pako eo—ebang ke ea mokoenehi kapa ema Mokreste ea tšepahalang ea oelang sebeng, kapa e le Mokreste ea qetang ho sokoloha—e kenyeletsa ho furalla litsela tsa khale tsa sebe. Re tlame ho amohela hore re baetsalibe, 'me re bontše pako ea libe tseo (eseng feela litholoana tsa tsona), re tlameha ho etsa ketho e hlokolosi ea ho behella libe tseo ka thoko, ka ho itšetleha ho Jesu ka botlalo, re “utloe Lentsoe la Jehova Molimo oa rona” (*Deut. 15:5*).

Ba bang ba bithuti ba Bibeletestamenteng e Ncha ba buoa ka taba ea pako joalokaha e bontšoa ho Deuteronomo. Mohlala, ha Petrose a qosa sechaba ka hore se thakhitse Jesu, boholo ba batho “ba hlajoa lipelo, 'me ba re ho Petrose le ho Baapostola ba bang: banna ba heso, re tla etsa joang?” (*Liketso 2:37*). Ke hore, ka ho hlokomela sebe sa bona, ba ne ba se soabetse (ba hlabea lipelong), 'me ba ne ba batla ho tseba joale na ba etseng hore ba lokele pela Morena eo ba mo sitetsoeng.

Na taba ee ha e tšoane hantle le rona bohle: baetsalibe ba sitetsoeng Molimo?

**Bala Liketso 2:38. Petrose o ile a arabela potso ea bona joang, 'me ke joang ketsahalo ee e bontšang motheo o malebana le pako?**

**Ho Ithuta ka Botebo:** “Khatong e ’ngoe le e ’ngoe eo re e etsang leetong la rona la Bokreste, maiphihlelo a rona a tla teba. Ke ho bohle bao Morena a ba tsoaretseng, ho bohle bao a ba nkang e le ba hae, ho bona o re, ‘Mohlang oo, le tla elleloa mekhoa eohle e mebe ea lona le liketso tsa lona tse senang botle, le ikhobohelloe ka baka la bokhopo ba lona le manyala a lona.’ Eze. 36:31. Hape o re, ‘Ke tla etsa selekane le uena, u tle u tsebe hoba ke ’Na Jehova, hore u tle u hopole, u hlajoe ke lihlong, ’me u se ke oa hlola u ahlamisana molomo oa hao ka baka la lihlong tsa hao, mohla ke u leballang tsohle tseo u li entseng, ho rialo Morena Jehova’ Eze. 16:62, 63. Joale melomo ea rona ha e na ho bulehela ho iphahamisa. Re tla tseba hore re seo re leng sona ka baka la Krete. Re tla etsa boipolelo ba moapostola ba rona, ‘Hobane ke tseba hore haho molemo o ahileng ka ho ’na.’ Baro. 7:18. ‘Haele ’na, ho ithorisa ho be hole le ’na, haese ka sefapano sa Morena oa rona Jesu Krete, eo ka eena lefatše le thakhisitsoeng ka ng’eng eaka, le ’na ke thakhisitsoeng ka ng’eng ea lefatše.’ Baga. 6:14.”—Ellen G. White, *Christ’s Object Thutos*, Leq. 160, 161.

“Molemo oa Molimo o u khannele pakong.’ Baro. 2:4. Ketane ea gauta, mohau le kutloelo bohloko ea lerato le halalelang, le fetisetsoa moetsalibeng e mong le e mong ea tsietsing ea ho timela, Morena o oa phatlalatsa, ‘Ke u rata ka lerato le sa feleng; ka baka leo, ke tla u bolokela mohau oa ka.’ Jer. 31:3. —Ellen G. White, *Christ’s Object Lessons*, Leq. 202.

## Lipotso tsa ho Qoqa:

❶ Leha re tlameha ho sokoloha, ke joang re ka qobang leraba la ho etsa pako e le tefo, joalokaha e ka ketso ea ho baka ke eona e re etsang hore re loke pela Molimo? Ke efe tselo e le ’ngoe feela e ka etsang hore re loke pela Molimo?

❷ “Joale, Judase ea mo ekileng, ha a bona hoba Jesu o tsoiloe, a inyatsa; a busetsa lichelete tsa silifera tse mashome a mararo ho baprista ba baholo le ho baholo, a re: ke sitiloe ha ke ekile mali a se nang molato, ba re: e ka bang eng ho rona? Ho iponele uena teng. Ebile keha a lahlela lichelete tsa silifera tempeleng, a tloha a iphenetha.” (Matt. 27:3–5.). Ha ho potang, Judase o ne a soabetsa seo a se entseng Jesu (ka holimo ho tsohle, o ile a ipolaea). Hobaneng, feela liketso tsa hae li sa nkoe e le pako ea ’nete?

❸ Ke joang ’nete ea sebe sa motho, le sa rona, e re kokobetsa pela ba bang (ka hore ha re ba ahlole) le pela Molimo? Ke hobaneng ha taba ea hore ho nkile sefapano, ke hore, lefu la Mora oa Molimo, ho re pholosa, ho re bontša kamoo sebe se leng sebe kateng?